



3 бет

**Ирригация соҳасидаги янги лойиҳалар**



4 бет

**Қайта тикланувчи энергия – келажак умиди**



5 бет



**FIDIC нима ва у Ўзбекистонга керакми?**

6 бет



# О‘ЗБЕКИСТОН ВУНУОДКОРИ

ЎТМОИ-ЎТМОДИЙ ГАЗЕТА

СТРОИТЕЛЬ УЗБЕКИСТАНА

№ 34 (587)

2022 йил 13 май, жума

uzbunyodkor

t.me/uzbunyodkor

uzbunyodkori@mail.uz

Газета 2016 йил 2 августдан ҳафтанинг сешанба ва жума кунлари чиқади.

## ВОДИЙ ГАВҲАРИ ФАРҒОНА ҲАР СОҶАДА НАМУНА БЎЛАДИ

Ўзбекистон Республикаси Президенти Шавкат Мирзиёев ислохотларнинг жойлардаги ижроси, аҳоли ҳаёти билан яқиндан танишиш мақсадида 12 май куни Фарғона вилоятига келди.

“Инсон қадрини ҳур ҳаётнинг ҳар бир жабҳасида ўз тасдиғини топмоқда. Асосийси кенг қамровли ислохотлар ўз самарасини бера бошлади. Буни Фарғона вилоятидаги янгиланишлардан, бунёдкорлик ишларидан ҳам билиш мумкин. Биргина ўтган йилда ялли ҳудудий маҳсулот ҳажми 45 триллион сўмдан ошиб, ўсиш кўрсаткичи 8 фоизни ташкил этди. Аҳоли бандлигини таъминлаш, ишсизлик даражасини қисқартириш борасидаги ишлар натижасида 150 минг нафардан зиёд фуқаронинг доимий бандлиги таъминланди.

Жумладан, Инвестиция дастурига мувофиқ қиймати 4,2 триллион сўм бўлган 809 та лойиҳани амалга ошириш ҳисобига 16 мингдан ортиқ янги иш ўрни яратилди.

Давлатимиз раҳбари Фарғона вилоятига ташрифини Олтиариқ туманидан бошлади.

Маълумки, Президентимиз ҳудудларни ривожлантиришда уларнинг ўзига хос хусусиятидан ва аҳоли кўникмаларидан келиб чиқиб иш тутиш зарурлигини таъкидлайди. Олтиариқнинг шундай устуворлиги деҳқончиликда, одамларнинг омикорлигида. Айниқса, Олтиариқ узуми чет элларда ҳам танқилик “бренд”га айланган.

Бундай маҳсулотларни кўпайтириш мақсадида туман чеккасидаги минг гектар адирликда узумчилик ва боғдорчилик плантацияси ташкил этилди. Президентимиз ушбу боғни келиб кўрди.

Илгари бу жой ҳеч нарса экинмай диган қуруқ ер эди. Қишлоқ ҳўжалигини инновацион ривожлантириш борасидаги ишлар натижасида халқимиз ризқ-рўзи учун минг гектар янги манба пайдо бўлди. Бунинг учун қудуқлар ва

ҳовузалар қазилиб, томчилатиб сугориш йўлга қўйилди. Бунда фойдаланилган ускуна ва қувурлар ҳам тўлиқ маҳаллий маҳсулот.

Ўзлаштирилган майдонларнинг 560 гектарига тоқзор барпо этилиб, “хусайни”, “келинбармоқ”, “ризамат”, “кишмиш” каби харидоригир узум навлари экилмоқда. 300 гектарлик интенсив боғда олма, гилос, ўрик кўчатлари ўтқазилмоқда.

Қатор ораларига тарвуз экилган. Бозор талабига қараб, қалампир, булғор қалампир, бодринг, қўкатлар ва бошқа полиз маҳсулотлари етиштирилади. Булар аҳоли даромади, юртимиз экспортини ошириш учун қўшимча манба бўлади.

– Фарғона қишлоқ ҳўжалигида катта натижаларга эришяпти, одамларнинг дунёқараши ўзгараёпти, деҳқонлар экспортга чиқаяпти. Лекин кечаги натижа бугунга тўғри келмайди. Доим изланишда, ҳаракатда бўлишимиз керак. Мана, салгина шароит яратилгани учун шунча жой боғ бўлди. Ҳали ички имкониятларимиз жуда кўп. Бу имкониятларни “инсон қадрини” тамойили асосида халқимиз манфаатига йўналтириш керак. Водий гавҳари Фарғона бунда намуна бўлиши керак, – деди Шавкат Мирзиёев.

2 бет

## ҚУРИЛИШ ВАЗИРЛИГИДА



## УЙ-ЖОЙ СЕКТОРИНИ БАҲОЛАШ МАВЗУСИДА УЧРАШУВ



Қурилиш вазирлигида Жаҳон банки вакиллари билан “Ўзбекистонда уй-жой секторини баҳолаш” мавзусида учрашув бўлиб ўтди.

Унда қатнашган банк вакили Росанна Нитти Жаҳон банки Ўзбекистон Республикаси Иқтисодий ривожланиш ва камбағалликни қисқартириш вазир-

лиги билан биргаликда уй-жой соҳасини баҳолаш амалга ошираётгани, бу ишлар уй-жой сиёсатида олиб борилаётган ислохотлар учун ахборот асоси бўлиши кераклигини таъкидлади.

Учрашувда вазир ўринбосари Н. Бабаев бугунги кунда Қурилиш вазирлиги томонидан уй-жой соҳасини ривожлантиришни қўллаб-қувватлаш бўйича фаол ишлар олиб борилаётгани ҳақида маълумот берди.

Жаҳон банки вакиллари келгусида мамлакатимизда уй-жой қурилиши соҳасини ривожлантириш бўйича кўпроқ техник масалаларни муҳокама қилиш учун вазирлик мутахассислари билан мулоқотни давом эттириш юзасидан ўз таклифларини билдиришди.

Ўз мухбиримиз.

## ҲАЙЪАТ ЙИҒИЛИШИДА КЕЛГУСИДАГИ ВАЗИФАЛАР БЕЛГИЛАНДИ

Райҳона Хўжаева, “O‘zbekiston bunyodkori” мухбири.

Уй-жой коммунал хизмат кўрсатиш вазири Шерзод Ҳидоятлов раҳбарлигида вазирилик ҳайъатининг навбатдаги кенгайтирилган йиғилиши бўлиб ўтди. Йиғилишда жорий йил I чорак якуни билан соҳада амалга оширилган ишлар натижадорлигини муҳокама қилиш, шунингдек, мавжуд муаммолар, бажарилиши лозим бўлган энг муҳим йўналишлар ҳамда устувор вазифаларни белгилаб олиш кўзда тутилди. Ҳайъат мажлисида вазириликнинг марказий аппарати, бошқарма бошлиқлари, тизим ташкилотлари ҳамда ҳудудий бошқармалар масъуллари иштирок этди.

– Барчамизга маълумки, коммунал соҳада мавжуд муаммолар Давлатимиз раҳбари эътиборида бўлиб, амалга оширилаётган ислохотларимизга шахсан ўзлари бош-қош бўлиб келмоқда, – деди вазир. – Соҳадаги мавжуд муаммолар тизим фаолиятини тезкорлик билан янада ислохотлаштиришни талаб этмоқда. Президентимиз ва Ҳукумат топшириқлари ҳамда Давлат дастурларида белгиланган вазифаларни сифатли ва ўз муддатда бажариш олдимизда турган энг устувор вазифадир. Аммо 2022 йил биринчи чоракда айнан шу борада тегишли мутасаддилар томонидан сусткашлик ва масъулиятсизликларга йўл қўйилди.

Хусусан, Ўзбекистон Республикаси Президентининг “Кўп квартирали уй-жойларни бош-



қариш тизимини янада такомиллаштириш тўғрисида”ги 2021 йил 19 июндаги ПҚ-5152-сон қарорининг 6-бандига асосан кўп қаватли уйларни жорий ва мукамал таъмирлаш ишлари учун 3-босқичда ажратилган маблағ доирасида 1 май ҳолатига республика бўйича бор-йўғи 72 фоизга ишлар амалга оширилган ҳолос. Бугунги кунда дастурдаги том қисмини таъмирлаш ишлари республика бўйича режа 136 900 квадрат метр, амалда 87 000 квадрат метрга бажарилган.

2022 йил 1 май ҳолатига республика бўйича 418 та “Оғир” тоифадаги уй-жой мулкдорлар ширкати 3 760 та кўп квартирали уйга хиз-



мат кўрсатиб келмоқда. Ушбу йўналишда ҳам ишларни жадаллаштириш ва жорий йил якунига қадар ўрнатилган тартибда ишларни ташкиллаштириш талаб этилади. Вазир Тошкент вилояти иссиқлик таъминотини модернизация қилиш бўйича амалга оширилаётган ишларда сусткашликка йўл қўйилаётганини таъкидлаб, масъуллар фаолиятини танқид остига олди.

Шунингдек, соҳада коррупция ҳолатларини тўлиқ бартараф этиш бўйича масъулларга қатъий топшириқ берилди.

Йиғилишда Уй-жой коммунал хизмат кўрсатиш вазириликнинг биринчи ўринбосари, “Ўз-

Шунингдек, йиғилишда вазир ўринбосарлари Қурбон Турсунов ҳамда Озода Жўраеванинг ҳисоботлари ҳам тингланди. Иссиқлик таъминоти ва кўп квартирали уй-жой фонди соҳасида амалга оширилган ишлар муҳокама қилиниб, масъулиятсизлик ва эътиборсизлик қилган ҳудудий бошқармалар фаолияти қаттиқ танқид қилинди. Хусусан, Ўзбекистон Республикаси Президентининг 2022 йил 22 январдаги ПҚ-98-сон қарори ижросини таъминлаш мақсадида 2022 йилда Инвестиция дастури доирасида 8 та объектда модернизация ва реконструкция ишларини амалга ошириш бўйича 2022 йил 1 май ҳолатига йиллик режага нисбатан 1,3 фоиз маблағ ўзлаштирилиб, 30,3 фоиз маблағ молиялаштирилган ҳолос.

Вазир томонидан барча масъулларга аҳоли билан ишлаш, мавжуд муаммоларни ўз вақтида бартараф қилиш бўйича тизим мутасаддиларининг жавобгарлигини ошириш бўйича топшириқлар берилди.

Йиғилишда ҳудудий бошқармалар раҳбарларининг ҳисоботлари ҳам тингланди. Унда вилоятларда жорий йилнинг I чораги давомида амалга оширилган ишлар юзасидан маълумотлар берилди. Шунингдек, ҳудудий бошқармалар раҳбарларининг фаолиятида учраётган муаммоларнинг ечимига оид таклиф ва мунозаҳалари қабул қилинди.

Ҳайъат йиғилишида келгусидаги муҳим вазифалар ҳам белгилаб олинди, жисмоний ва юридик шахслар суровлари билан ишлаш, жумладан, ижтимоий тармоқлар орқали келиб тушаётган мунозаҳалар ижросини ўз муддатда таъминлаш бўйича муҳим вазифалар белгиланди.









